



29. november 2017

Inatsisartut Suleriaasianni § 37 naapertorlugu Naalakkersuisunut apeqquutit imaattut matumuuna saqqummiuppakka:

Naalakkersuisunut apeqquutit nalunaarasuartaateqarnermut tunngasut pillugit imaatigut kabeli ilanngullugu:

1. § 37 tunngavigalugu apeqquummi 227-mi apeqquutip 6-anut Tele Post akissuteqarnermini oqaatigaa piumasagaatit arlallit naammasisariaqartut nunarsuup sinnerani paasissutissanut katersivimmik pilersitsissagaanni ingerlatsissagaannilu. Naalakkersuisut aamma/imaluunniit Tele Post tamakku pillugit misissuisimanerit inernerinik peqarpata assorujussuaq takorusukkaluarpagut. Pigineqanngippatali sakkortuumik innersuussutigissuarput sukkanerpaamik periarfissat tamakku pillugit arlaannaannulluunniit attuumassuteqanngitsut misissutinneqassasut.

a. Nalunaarasuartaasiveqarnerup iluani sulliviup kisermaassisup attaveqatigiinnermut tamarmiusumut piginnittuunera nunanut allamiunut paasissutissanik katersivinnik aningaasaleerusukkaluartunut akorngutaavoq kiisalu qulaani taaneqartut misissuinerit ingerlanneqarallartillugit piumasarissavarput Naalakkersuisut siunnersuut UKA 2017/imm. 109 utertikkallassagaat, pisariaqarmat paasissutissanik naammattunik pissarseqqaarnissaq taama angitigisumik aalajangiisoqartinnagu.

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Demokraatit Inatsisartuni gruppiata apeqquummut nummer 2017-246-mut akissutisiaat tupaallaatigaarput.

Naalakkersuisut apeqquutigut paasisinnaarpasinngilaat, Inatsisartuni gruppimit tamarmit apeqquutigineqarmata aamma amerlammata.

Inussiarnersuungattali Naalakkersuisut ikiukuttoorsinnaavagut. Taamaattumik matumuuna Inatsisartunut ilaasortaq Randi Vestergaard Evaldsen kisimiilluni apeqquutit saqqummiutissavai kiisalu aamma apeqquutigut immikkoortitaarlugit saqqummiutissavagut. Taamatut ilioratta neriuppugut Naalakkersuisut paasisinninnissaannut ikiorsimassallutigut.

Taamaasilluta neriuppugut Naalakkersuisut pisussaaffitsik naapertorlugu apeqquutigut akisinnaajumaaraat.

Ataani takuneqarsinnaapput apeqquummut 2017-246-mut tunngavilersuutigut:

Demokraatini tigunikuuarput Naalakkersuisut apeqquutitsinnut nr. 227-mut akissutaat ilaatigut tunngasoq imaatigut kabelip "Greenland Connect"-ip piginnaassusaanut.



DEMOKRAATIT
DEMOKRATERNE

Naalakkersuisut akissutaat apeqqutinik arlalinnik qaffatsitsipput ilaatigut Naalakkersuisut akissutaanni paasisutissat eqqortut amingaataammata.

Taamaattumik Naalakkersuisut qinnuigisariaqalersimavagut apeqqutit qulaaniittut akeqqullugit tamatumalu saniatigut innersuussutigissuagut apeqqutitsinnut normu 2017/227-mut tungavilersuutigisimasagut.

Apeqqutit akeqquagut ullut suliffiit naliginnaasut qulit iluanni.